

信法眼、又泰貞奉仕天地災變祭、駿河守惟義沙汰之、

〔吾妻鏡 二十二〕建保三年九月廿一日丁丑晴、依連々地震、被行御祈、三萬六千神祭、親職地震祭、宣賢奉仕之、駿河守季時沙汰之、江左衛門尉能範爲御使、

〔吾妻鏡脫漏〕嘉祿三年三月十三日壬戌晴、彈正忠季氏爲奉行、地震御祈事、内外被仰云云、廿四日癸酉、霽三合并地震、御祈等被始行、

五座北斗護摩

大進僧都寬基

八字文珠法

越後阿闍梨

一字金輪法

信濃法眼

七曜供

助法眼珍譽

北斗供

帥法橋珍瑜

三萬六千神祭山下野前司入道沙汰御使駿河藏人

晴幸

地震祭駿河入道沙汰御使星崎判官代

晴賢

天地災變祭駿河前司沙汰御使江兵衛尉

宣賢

四月十三日辛酉、戊刻地震、今日怪異并息災之御祈、被行七座泰山府君祭、親職晴賢、泰貞、重宗、文元、道繼國繼奉仕云云、

安貞三年元寬喜十一月二十六日、依地震始行御祈等云云、

〔吾妻鏡 三十〕文曆二年元嘉禎六月十六日丁丑、地震御祈等始行、

〔吾妻鏡 四十七〕正嘉元年八月廿五日丁未、雨降、地震小動、五六度爲筑前次郎左衛門尉行賴奉行、依

地震可致御祈禱之由、被仰下御持僧并陰陽道之輩、九月四日乙卯、小雨降、申刻地震、去月廿三日大動、以後至今小動不休、依之爲親朝臣奉仕天地災變祭、御使伊賀前司朝行云云、